



## BUYRUQ

2020 yil « 13 » noyabr

№ 225

### Ўзбекистон Республикаси Транспорт вазирлигининг коррупцияга қарши курашиш сиёсатини тасдиқлаш тўғрисида

Ўзбекистон Республикаси Президенти Администрацияси раҳбарининг 2020 йил 4 сентябрдаги № 02-2488-сон топшириғига асосан Ўзбекистон Республикаси Транспорт вазирлигида яширин иқтисодиёт ва коррупцияга қарши курашиш ҳамда унинг олдини олиш бўйича 2020-2021 йилларга мўлжалланган “Йўл харитаси”ни ижросини таъминлаш ва бу борада самарали тизимни шакллантириш мақсадида

### Б У Ю Р А М А Н :

1. Қуйидагилар:

Ўзбекистон Республикаси Транспорт вазирлигининг коррупцияга қарши курашиш сиёсати 1-иловага мувофиқ;

Ўзбекистон Республикаси Транспорт вазирлигининг коррупцияга оид ҳаракатлар тўғрисида ахборот бериш учун алоқа каналлари орқали келиб тушган хабарларни қабул қилиш ва қайта ишлаш регламенти 2-иловага мувофиқ тасдиқлансин.

2. Транспорт вазирлиги, Қорақалпоғистон Республикаси Транспорт вазирлиги, вилоятлар ва Тошкент шаҳар транспорт бошқармалари ҳамда идоравий ташкилотлар мазкур тасдиқланган буйруққа қатъий риоя этилишини таъминласинлар ва амалга оширилган ишлар юзасидан Транспорт вазирилиги ҳузуридаги Транспорт ва логистикани ривожлантириш муаммоларини ўрганиш марказига маълумот тақдим этиб борсинлар.

3. Девонхона (А.Рахимов) мазкур буйруқ вазирлик марказий аппарати, унинг ҳудудий бошқармалари ҳамда тизимдаги бошқа барча идоравий мансуб ташкилотларга етказилиши таъминласин.

4. Мазкур буйруқнинг бажарилишини назорат қилишни ўз зиммамда қолдираман.

**Вазир в.б.**

A handwritten signature in black ink, appearing to be 'I. Makhkamov', written over a horizontal line.

**И. Махкамов**

## Ўзбекистон Республикаси Транспорт вазирлигининг коррупцияга қарши курашиш СИЁСАТИ

### 1-боб. Умумий қоидалар

1. Ўзбекистон Республикаси Транспорт вазирлигининг коррупцияга қарши курашиш сиёсати (бундан буён матнда Сиёсат деб юритилади) ходимлар орасида ҳамда жамиятда коррупцияга қарши курашиш маданияти даражасини ошириш мақсадида Ўзбекистон Республикаси Транспорт Вазирлиги, Қорақалпоғистон Республикаси Транспорт вазирлиги, вилоятлар ва Тошкент шаҳри транспорт бошқармалари ҳамда идоравий ташкилотлари (кейинги ўринларда Вазирлик ва унинг идоравий мансуб ташкилотлари деб юритилади) юқори ахлоқий меъёрларга содиқлигини, шунингдек, Вазирлик ва унинг идоравий мансуб ташкилотлари ходимлари фаолиятида коррупциявий ҳуқуқбузарликларга муросасизлик ва уларни содир этишга йўл қўймасликни акс эттиради.

2. Сиёсат ISO 37001:2016 “Коррупцияга қарши курашиш менежменти тизимлари – Фойдаланиш бўйича талаблар ва тавсиялар” халқаро стандарти талабларини инобатга олган ҳолда коррупцияга қарши курашиш бўйича халқаро ташкилотлар тавсиялари ва етакчи халқаро амалиёт асосида Ўзбекистон Республикасининг қонун ҳужжатлари талабларига мувофиқ ишлаб чиқилган.

3. Вазирлик ва унинг идоравий мансуб ташкилотлари ушбу сиёсатни фаолиятининг аҳамиятини ҳисобга олган ҳолда қабул қилишлари, коррупцияга қарши курашиш механизмларини, мавжуд бўлган коррупция хавфи, тажрибаси ва мавжуд манбалари асосида ишлаб чиқишлари ва амалга оширишлари лозим.

4. Вазирлик ва унинг идоравий мансуб ташкилотлари коррупцияга қарши курашишнинг асосий мақсадлари қуйидагилар ҳисобланади:

Вазирлик ва унинг идоравий мансуб ташкилотларида коррупцияни тубдан йўқотишга эришиш;

аҳолининг ҳуқуқий онги ва ҳуқуқий маданиятини ошириш, жамиятда коррупцияга нисбатан тоқатсиз муносабатни шакллантириш;

Вазирлик ва унинг идоравий мансуб ташкилотлари фаолиятининг барча соҳаларида коррупцияни олдини олиш бўйича чора-тадбирларни амалга ошириш;

коррупциявий ҳуқуқбузарликларни ўз вақтида аниқлаш, уларга барҳам бериш, уларнинг оқибатлари, уларга олиб келувчи сабаблар ва шарт-шароитларни бартараф этиш, коррупциявий ҳуқуқбузарликларни содир этганлик учун жавобгарликнинг муқаррарлиги тамойилини таъминлаш.

5. Сиёсат Вазирликнинг ички ҳужжати сифатида юқорида кўрсатилган асосий мақсадларга эришиш учун Вазирлик ва унинг идоравий мансуб ташкилотлари фаолиятида коррупция билан боғлиқ ҳуқуқбузарликларни профилактика қилиш ва уларга барҳам беришга қаратилган асосий талаблар ва тамойилларни белгилаб берувчи асос ҳисобланади.

6. Мазкур Сиёсатнинг талаблари эгаллаб турган лавозими ва бажарадиган вазифа ва функцияларидан қатъи назар Вазирлик билан меҳнат муносабатларида бўлган барча ходимларга, шу жумладан, ҳудудий Вазирлик ва унинг идоравий мансуб ташкилотлари ходимларига тадбиқ этилади.

7. Вазирлик ва унинг идоравий мансуб ташкилотлари ишга қабул қилинаётган ҳар қандай шахс ушбу Сиёсат билан имзо қўйган ҳолда танишишга ва унинг қоидаларига риоя қилишга мажбур.

8. Ушбу Сиёсат мақсадларида қуйидаги асосий тушунчалар ва атамалар қўлланилади:

**алоқадор шахслар** – ходим билан тижорат ташкилотларининг устав капиталида иштирок этадиган шахслар, акциялари Республика фонд биржасида оммавий муомалада бўлган акциядорлик жамиятларининг беш фоизидан кам бўлган миқдордаги акцияга эканлиги ҳолатлари бундан мустасно;

**иш жараёнидаги меҳмондўстлик белгилари** – Вазирлик ва унинг идоравий мансуб ташкилотлари ходимлари манфаатларида фаолият давомида ҳамкорлик ўрнатиш ва (ёки) қўллаб-қувватлашга алоқадор харажатлар, шу жумладан, ишбилармонлик билан боғлиқ кечки овқат, транспорт ва яшаш харажатларини қоплаш билан боғлиқ харажатлар ва х.к.;

**коррупцияга қарши курашиш талаблари бузилганлиги тўғрисида виждонан хабар бериш** – Вазирлик ва унинг идоравий мансуб ташкилотлари ходими томонидан коррупциявий ҳуқуқбузарлик содир этилганлиги (содир этишга суиқасд қилинганлиги) тўғрисида русхат этилган алоқа каналлари орқали асослилигига ишонч ҳосил қилган ҳолда йўллаган мурожаат;

**контрагент (шартномавий шерик)** – Вазирлик ва унинг идоравий мансуб ташкилотлари билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахс;

**коррупция** – шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

**коррупциявий ҳаракатлар** – ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкрий тусдаги хизматларни, бошқа мулкрий ҳуқуқларни олиш, талаб қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

**коррупцияга оид ҳуқуқбузарлик** – коррупция белгиларига эга бўлган, содир этилганлиги учун қонун ҳужжатларида жавобгарлик назарда тутилган қилмиш;

**коррупцияга қарши курашиш тизими** – қўлланиладиган амалдаги қонунчилик ва ички ҳужжатларни коррупциявий жиҳатдан бузилишини бартараф этиш, Вазирлик ва унинг идоравий мансуб ташкилотлари ходимлари томонидан юқори даражада касбий ва ахлоқий фаолият олиб боришларини таъминлаш бўйича чора-тадбирлар мажмуи;

**коррупциявий хавф-хатар** – Вазирлик ва унинг идоравий мансуб ташкилотлари ходимлари ёки учинчи шахслар томонидан Вазирлик ва унинг идоравий мансуб ташкилотлари номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

**манфаатлар тўқнашуви** – Вазирлик ва унинг идоравий мансуб ташкилотлари ходимнинг шахсий (бевосита ёки билвосита) манфаатдорлиги унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан Вазирлик ва унинг идоравий мансуб ташкилотлари манфаатлари ўртасида қарама-қаршилик юзага келаётган ёки юзага келиши мумкин бўлган вазият;

**расмийчиликни соддалаштириш учун тўловлар** – белгиланган тартиб-таомиллар бажарилишини таъминлаш ёки тезлаштириш, тегишли қонунчилик, нормалар ва қоидаларда назарда тутилмаган ҳаракатлар содир этиш учун ғайриқонуний равишда бериладиган пул маблағлари, мол-мулк, мулкрий ҳуқуқлар, хизматлар ва бошқа моддий ёки номоддий наф;

**ходимнинг шахсий манфаатдорлиги** – Вазирлик ва унинг идоравий мансуб ташкилотлари ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

**ходим** – Вазирлик ва унинг идоравий мансуб ташкилотлари билан меҳнат муносабатларига киришган шахс;

**яқин қариндошлар** – ота-она, туғишган ва ўғай ака-укалар ва опа-сингиллар, эр (хотин), фарзандлар, шу жумладан фарзандликка олинганлар, боболар, бувилар, неваралар, шунингдек эрнинг (хотиннинг) ота-онаси;

## **2-боб. Коррупцияга қарши курашишнинг асосий тамойиллари**

9. Вазирлик ва унинг идоравий мансуб ташкилотлари коррупцияга қарши курашиш тизимини қуйидаги тамойилларга асосланиб амалга оширади:

**конунийлик** – Вазирлик ва унинг идоравий мансуб ташкилотлари коррупцияга қарши курашиш бўйича чора-тадбирлар Ўзбекистон Республикаси қонунчилиги талаблари, давлат органларида коррупцияга қарши курашиш бўйича жаҳонда тан олинган амалиётни ҳисобга олган

холда ҳамда Вазирлик тизимининг белгиланган ички хужжатларига мувофиқ амалга оширилади;

**коррупцияга тоқатсизлик** – Вазирлик ва унинг идоравий мансуб ташкилотлари ўз фаолиятининг барча соҳаларида коррупциянинг ҳар қандай шакллари ва кўринишларига муросасиз муносабатда бўлади. Вазирлик ва унинг идоравий мансуб ташкилотлари нинг ходимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш тақиқланади;

**очиқлик ва шаффофлик** – Вазирлик тизимида коррупцияга қарши курашиш соҳасида қабул қилинган ва амалга оширилаётган чора-тадбирлар ҳақида Вазирлик ва унинг идоравий мансуб ташкилотлари ходимлари ва контрагентларини, кенг жамоатчиликни хабардор қилиш;

**коррупцияга қарши курашиш бўйича амалга оширилаётган чора-тадбирларнинг превентивлиги, тизимлилиги ва ўзаро боғлиқлиги** – Вазирлик ва унинг идоравий мансуб ташкилотлари коррупциявий хатти-ҳаракатлар содир этилишига ва коррупциявий хавф-хатарларга кўмаклашувчи сабаб ва шарт-шароитларни бартараф этишга қаратилган превентив чора-тадбирларни амалга оширишга устувор аҳамият беради. Коррупцияга қарши курашиш бўйича амалга оширилаётган чора-тадбирлар ва тартиб-таомиллар аниқланган хавф-хатарлар даражасига мувофиқ келади ҳамда Вазирлик ва унинг идоравий мансуб ташкилотлари барча функциялари ва йўналишларига интеграция қилинган коррупцияга қарши курашиш тизимига бирлаштирилган;

**коррупция билан боғлиқ ҳуқуқбузарликлар учун жавобгарликнинг муқаррарлиги** – коррупция билан боғлиқ ҳуқуқбузарликларни содир этган Вазирлик тизими ходимлари ўзининг мақоми ва эгаллаб турган лавозимидан қатъий назар Вазирликнинг ички хужжатлари ва амалдаги қонунчиликка мувофиқ жавобгарликка тортиладилар;

**техника тараққиётининг ютуқларидан фойдаланиш** – Вазирлик ва унинг идоравий мансуб ташкилотлари коррупцияга қарши курашиш тизимини яратишда илм-фан тараққиётининг сўнгги ютуқларидан, шу жумладан, интеграциялаштирилган ахборот тизимларидан фойдаланишга интилади;

**тўғридан-тўғри раҳбариятга мурожаат қилиш** – Вазирлик тизимининг ҳар бир ходими коррупциявий ҳуқуқбузарликлар содир

этилганлигини тўғрисида ишончли ва асосли маълумотлар мавжуд бўлганда белгиланган чораларни кўриш учун тўсқинликсиз идора раҳбари ва транспорт вазирига мурожаат қилиши мумкин;

**фуқаролик жамияти вакиллари билан ўзаро ҳамкорлик** – Вазирлик ва унинг идоравий мансуб ташкилотлари ўзларига юклатилган функцияларни бажаришда Вазирлик ва унинг идоравий мансуб ташкилотлари фаолиятини ҳалоллик, холислик ва мустақиллик асосида мустақил назорат қилиш мақсадида фуқаролик жамияти вакилларини жалб этадилар;

**коррупцияга қарши курашиш тизимини доимий равишда такомиллаштириш** – коррупцияга қарши курашиш тизимини мониторинг ва назорат қилиш ҳамда коррупциявий хавф-хатарларни амалга ошириш натижаларига кўра Вазирлик ва унинг идоравий мансуб ташкилотлари Вазирлик тизимида коррупцияга қарши курашиш тизимининг самарадорлигини тўхтовсиз равишда ошириш чораларини кўрадилар.

### **3-боб. Коррупцияга қарши курашиш тизимнинг элементлари**

10. Коррупцияга “мутлақо тоқатсизлик” тамойилига таянган ҳолда Вазирлик ва унинг идоравий мансуб ташкилотлари барча ходимларига коррупция билан боғлиқ ҳар қандай хатти-ҳаракатларда иштирок этиши, яъни пора берувчининг манфаатларини кўзлаб ҳаракат қилиши ёки ҳаракатсизлиги учун бевосита ёки билвосита, шахсан ёки учинчи шахслар орқали пора, яъни пуллар, қимматбаҳо қоғозлар, бошқа мол-мулк, мулкрий тусдаги хизматларни беришни талаб қилиш, товламачилик қилиш, ваъда бериш ва пора бериш, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, шахс томонидан пора олиш ёки ғайриқонуний бошқа мақсадларда ўз хизмат мавқеидан ноқонуний фойдаланиши қатъиян тақиқланади.

11. Қуйидагилар Вазирлик ва унинг идоравий мансуб ташкилотлари коррупцияга қарши курашиш тизимининг асосий элементлари ҳисобланади:

*а) коррупцияга қарши курашиш бўйича асосий ички ҳужжатлар мавжудлиги, Вазирлик ва унинг идоравий мансуб ташкилотлари коррупцияга қарши курашиш тизимининг асосини:*

мазкур Сиёсат;



Ўзбекистон Республикаси Вазирлик ва унинг идоравий мансуб ташкилотлари ходимларининг одоб-ахлоқ қоидалари;

Ўзбекистон Республикаси Транспорт вазирлиги тизимида манфаатлар тўқнашувини бошқариш тўғрисидаги низомда акс эттирилган тамойиллар ва талабларни ташкил этади;

б) *“Юқоридан қуйиға муносабат” – Юқори даражада раҳбарлик намунаси:*

Вазирлик ва унинг идоравий мансуб ташкилотларининг раҳбарлари, шунингдек, Вазирлик ва унинг идоравий мансуб ташкилотларининг таркибий бўлинмаларининг раҳбарлари ўзига бўйсунувчилар, фуқаролар ва юридик шахслар билан муносабатларда ҳалол, адолатли ва мустақил хулқ-атвор намунаси бўлишлари керак;

транспорт вазири, транспорт вазирининг ўринбосарлари, Вазирлик ва унинг идоравий мансуб ташкилотлари раҳбарлари коррупцияга қарши курашиш самарали тизимни яратиш ва амалга оширишда қуйидагилар орқали етакчиликни намойиш этадилар:

Вазирлик ва унинг идоравий мансуб ташкилотлари фаолиятининг хавф-хатарга эга функциялари (йўналишлари)га коррупцияга қарши курашиш самарали чора-тадбирлар ва тартибларни жорий этиш, шу жумладан, коррупцияга қарши курашиш дастури/йўл харитасини ишлаб чиқиш ва унинг ижросини назорат қилиш орқали кўмаклашиш;

ўз мансаб мажбуриятларини бажариш доирасида, Вазирлик ва унинг идоравий мансуб ташкилотлари ходимларида коррупциянинг барча шакллари ва кўринишларига муросасиз муносабатни шакллантирган ҳолда коррупцияга қарши курашиш бўйича қонунчилик нормалари ва қабул қилинган ички ҳужжатларга риоя қилиш ва ахлоқий хулқ-атвор юзасидан шахсан намуна сифатида намоён бўлиш;

*в) коррупциявий хавф-хатарни аниқлаш ва баҳолаш:*

Вазирлик ва унинг идоравий мансуб ташкилотлари функцияларининг хусусияти, ташкилий тузилмаси, жамият ва бошқа шахслар билан ўзаро фаолият олиб боришига ҳамда бошқа ички ва ташқи омилларга боғлиқ ҳолда ўз фаолиятига хос бўлган коррупциявий хавф-хатарларни аниқлайди ва баҳолайди;

коррупциявий хавф-хатарни аниқлаш ва баҳолаш доирасида Вазирлик ва унинг идоравий мансуб ташкилотлари фаолиятининг барча соҳалари коррупциявий хавф-хатарига кўпроқ учрайдиган функцияларни аниқлаш мақсадида таҳлил қилинади, уларда мавжуд бўлган коррупцияга

қарши курашишни назорат қилишнинг барча шакллари ва тартиб-таомиллари аниқланган хавф-хатарларни камайтириш учун етарлилиги жиҳатидан таҳлил қилинади. Хавф-хатарларни аниқлаш ва баҳолаш жараёнида Транспорт вазирлиги тизимида коррупцияга қарши курашиш бўлимининг фаол қўллаб-қувватлаши ва назорати остида Вазирлик ва унинг идоравий мансуб ташкилотлари тегишли раҳбарлари, коррупцияга қарши курашишни мувофиқлаштирувчи шахслар иштирок этади;

Вазирлик ва унинг идоравий мансуб ташкилотларининг коррупциявий ҳаракатларга “мутлақо тоқатсизлик”ни ҳисобга олган ҳолда Вазирлик ва унинг идоравий мансуб ташкилотлари коррупциявий хавф-хатарларнинг юзага келиш эҳтимоли ва таъсир қилиш даражасидан катъи назар уларни бошқариш заруратини тан олади;

Коррупциявий хавф-хатарларни баҳолаш йилига камида бир марта амалга оширилади. Коррупциявий хавф-хатарларни баҳолаш натижалари транспорт вазири ва Вазирлик ва унинг идоравий мансуб ташкилотлари раҳбарлари томонидан кўриб чиқилади шунингдек, аниқланган хавф-хатарларни камайтирувчи коррупцияга қарши курашиш чора-тадбирлар ва тартиб-таомиллар Вазирлик ва унинг идоравий мансуб ташкилотларининг коррупцияга қарши курашиш дастурларида акс эттирилади.

*2) коррупцияга қарши курашиш учун масъул шахслар ва бўлинмалар:*

Вазирлик тизимида коррупцияга қарши курашиш бўйича самарали тизимни йўлга қўйиш мақсадида Транспорт вазирлиги ҳузуридаги Транспорт муаммоларини ўрганиш маркази таркибида коррупцияга қарши курашишни шакллантириш ва назорат қилиш жараёни учун масъул бўлган алоҳида таркибий тузилма – Транспорт соҳасида яширин иқтисодиёт ва коррупцияга қарши курашиш бўлими ташкил этилган;

Транспорт вазирлиги тизимидаги коррупцияга қарши курашиш бўлими вазирлик тизимида коррупцияга қарши курашиш бўйича вазифаларни амалга оширишда етарли даражада мустақилликка ва муҳим ресурсларга эга бўлиб, ўз фаолиятини Транспорт соҳасида яширин иқтисодиёт ва коррупцияга қарши курашиш бўлими тўғрисидаги низомга мувофиқ амалга оширади;

Коррупцияга қарши курашиш бўйича чора-тадбирларни самарали ва ўз вақтида амалга оширилишини мувофиқлаштириш ва назорат қилиш учун ҳудудий Вазирлик ва унинг идоравий мансуб ташкилотларида руҳсат

этилган лавозимларга коррупцияга қарши курашишни мувофиқлаштириш функцияси юклатилиши мумкин. Коррупцияга қарши курашишни мувофиқлаштириш функциялари худудий транспорт бошқармалари ва бўйсунувдаги муассасаларда юқори даражада коррупциявий хавф-хатарга эга бўлмаган, шунингдек, етарли даражада мустақил бўлган ходимига юклатилади;

худудий транспорт бошқармалари ва бўйсунувдаги муассасаларнинг коррупцияга қарши курашишни мувофиқлаштирувчилари коррупцияни бартараф этиш чораларини кўради, шу билан бирга, ўзига юклатилган вазифалар доирасида Транспорт вазирлиги тизимида коррупцияга қарши курашиш бўлими билан ҳамкорлик қилади;

Коррупцияга қарши курашиш бўйича фаолиятни амалга оширишда Вазирлик ва унинг идоравий мансуб ташкилотларининг Ходимлар билан ишлаш бошқармаси (бўлимлари) Ўзбекистон Республикаси Транспорт вазирлиги тизимида Ўзбекистон Республикаси қонун ҳужжатлари нормаларига мувофиқ белгиланган тартибда ва ҳажмда ходимлар ва алоқадор шахсларнинг яқин қариндошлари тўғрисидаги маълумотларни ўз вақтида ва тизимли йиғиш, таҳлил қилиш ва янгилаб бориш учун жавобгар бўлади;

Бундан ташқари, Вазирлик ва унинг идоравий мансуб ташкилотларининг одоб-ахлоқ комиссиялари ходимлар ўртасида манфаатлар тўқнашуви тўғрисидаги Ходимлар билан ишлаш бошқармаси (бўлимлари)дан келиб тушган маълумотларни кўриб чиқади ва (манфаатлар тўқнашуви тартибга солинмаган тақдирда) уни ҳал қилиш бўйича қарор қабул қилади ёки аниқланган манфаатлар тўқнашувини тартибга солиш бўйича кўрилган чораларнинг етарлилиги ёхуд етарли эмаслиги тўғрисида қарор қабул қилади, шунингдек, Вазирлик ва унинг идоравий мансуб ташкилотлари томонидан белгиланган одоб-ахлоқ қоидаларига риоя қилиниши масалаларини кўриб чиқади. Манфаатлар тўқнашувини бошқариш доирасида Ходимлар билан ишлаш бошқармаси (бўлимлари) ва Одоб-ахлоқ комиссиялари (ёки шунга ўхшаш комиссиялар) Ўзбекистон Республикаси Транспорт вазирлиги тизимида манфаатлар тўқнашувини бошқариш тўғрисидаги низом асосида иш юритади;

*д) аниқланган коррупциявий хавф-хатарни минималлаштирувчи коррупцияга қарши курашиш чоралар:*

Вазирлик ва унинг идоравий мансуб ташкилотлари ўз фаолияти ва функцияларидаги коррупциявий хавф-хатарли йўналишларда умумий

назорат муҳитини ва коррупцияга қарши курашиш нозорат ҳамда тартиб-таомилларни ўз ичига олувчи коррупцияга қарши курашишнинг комплекс тизимини жорий этадилар.

Вазирлик ва унинг идоравий мансуб ташкилотлари коррупцияга қарши курашишни нозорат қилиш ва тартиб-таомилларнинг самарадорлиги, жумладан, уларнинг аниқланган хавф-хатар даражасига мутаносиблиги, Вазирлик ва унинг идоравий мансуб ташкилотлари ходимлари учун қатъийлиги ва аниқлиги, фуқаролик жамияти учун шаффофлигини таъминлашга интиладилар;

Амалга ошириладиган тадбирлар, шунингдек, коррупцияга қарши курашиш бўйича нозорат чоралари ва тартиб-таомиллар Вазирлик ва унинг идоравий мансуб ташкилотларининг коррупцияга қарши курашиш бўйича дастури/режаси/йўл харитасида акс эттирилади ҳамда тегишли ички ҳужжатларда белгиланади;

*е) ахборотлаштириш, коммуникация ва маслаҳат бериш:*

Коррупциявий хавф-хатарларни камайтириш ва Вазирлик ва унинг идоравий мансуб ташкилотларининг коррупцияга қарши курашиш тамойиллари ва талаблари ҳақида жамиятнинг хабардорлигини ошириш мақсадида, мазкур Сиёсат ва Вазирлик ва унинг идоравий мансуб ташкилотларининг коррупцияга қарши курашиш бўйича амалга оширилаётган чора-тадбирлари тўғрисидаги асосий маълумотлар уларнинг Интернет тармоғидаги расмий веб сайтларига жойлаштирилади.

Бундан ташқари, Вазирлик ва унинг идоравий мансуб ташкилотлари коррупцияга қарши курашиш амалдаги қонун ҳужжатлари нормалари ва коррупцияга қарши курашиш жорий этилган тамойиллар ва талаблар ҳақида Вазирлик ва унинг идоравий мансуб ташкилотлари ходимлари ва бошқа манфаатдор шахсларни хабардор қилиш ва тушунтириш бўйича қўйидагилар орқали барча оқилона хатти-ҳаракатларни амалга оширади:

Вазирлик ва унинг идоравий мансуб ташкилотлари ходимларини йилига камида бир марта коррупцияга қарши курашиш асослари бўйича доимий ва тизимли ўқитиш, шу жумладан, ишга янги қабул қилинаётган ходимларни ушбу Сиёсат ва коррупцияга қарши курашиш бўйича бошқа ички ҳужжатлар билан мажбурий тартибда таништириш билан биргаликда уларни коррупцияга қарши курашиш бўйича мажбурий курсларда ўқитиш. Коррупциявий хавф-хатари юқори бўлган лавозимлар учун Вазирлик ва унинг идоравий мансуб ташкилотлари коррупцияга қарши курашиш бўйича қўшимча таълим дастурлари белгиланади.

Ўтказилган ўқиш/тренинглари ҳақидаги маълумотлар Ходимлар билан ишлаш бошқармаси (бўлимлари)да қонунчиликда белгиланган тартибда сақланади;

Вазирлик ва унинг идоравий мансуб ташкилотлари ходимлари ва фуқароларнинг коррупцияга муросасиз муносабатини шакллантириш бўйича ва коррупцияга қарши курашиш амалга оширилган чора-тадбирлар тўғрисида хабардорлигини оширишга қаратилган тематик аудио- ва видеороликлар ҳамда бошқа ахборот маълумотларидан фойдаланган ҳолда коррупцияга қарши курашиш тадбирлар ўтказиш;

Вазирлик ва унинг идоравий мансуб ташкилотлари ходимлари томонидан коррупцияга оид ҳуқуқбузарликлар содир этилганлиги гуноҳлар ёки фактлар, коррупциявий хавф-хатарлар ва бошқалар (коррупция фактлари ҳақида хабар берилиши мумкин бўлган усуллари тўғрисидаги батафсил маълумот мазкур Сиёсатнинг 4-бобида назарда тутилган) ҳақида хабар берилиши мумкин бўлган алоқа каналлари билан таъминлаш;

мазкур Сиёсат қоидаларини қўллаш ёки Транспорт вазирлиги тизимида коррупцияга қарши курашиш бўлими/коррупцияга қарши курашишни мувофиқлаштирувчи томонидан коррупцияга қарши курашиш чора-тадбирлар ва тартиб-таомилларни амалга ошириш билан боғлиқ саволлар келиб чиққанда Вазирлик ва унинг идоравий мансуб ташкилотлари ходимларига маслаҳатлар бериш;

Вазирлик ва унинг идоравий мансуб ташкилотлари ходимларининг меҳнат шартномаларига коррупцияга қарши курашиш қоидаларни киритиш;

тасдиқланган режага мувофиқ коррупцияга қарши курашиш бўйича масъул шахс томонидан коррупцияга қарши курашиш ҳуқ-атвор юзасидан ташвиқотлар ўтказиш;

контрагентларни коррупцияга қарши курашиш қабул қилинган талаблар ва тамойиллар ҳақида, шу жумладан, улар билан тузиладиган шартномаларга коррупцияга қарши курашиш бўйича махсус шартларни киритиш тўғрисида хабардор қилиш ва ҳ.к.;

*г) мониторинг, назорат ва ҳисобот:*

Транспорт вазирлиги тизимида коррупцияга қарши курашиш бўлими Вазирлик тизимида коррупцияга қарши курашиш амалга оширилган чора-тадбирларнинг етарлилиги, мутаносиблиги ва самарадорлигини баҳолайди ҳамда доимий мониторингини олиб боради. Ўтказилган

мониторинг натижалари бўйича Вазирлик ва унинг идоравий мансуб ташкилотларида коррупцияга қарши курашиш тизимини такомиллаштириш юзасидан тегишли чоралар кўрилади.

Вазирлик ва унинг идоравий мансуб ташкилотлари мониторинг ва назорат қилишнинг қуйидаги тартиб-таомиллари амалга оширилади:

Вазирлик ва унинг идоравий мансуб ташкилотлари фаолияти ва функцияларидаги ўзгаришлар, уларнинг ташкилий-функционал тузилмасидаги ўзгаришлар ҳамда бошқа ички ва ташқи омилларнинг Вазирлик ва унинг идоравий мансуб ташкилотларида коррупцияга қарши курашиш тизимига таъсирини, мазкур тизимга ўзгартириш киритиш заруриятини таҳлил қилиш, шу жумладан, уни амалдаги қонунчилик талабларига мувофиқлигини таъминлаш;

тасдиқланган режага мувофиқ самарасиз назорат ва тартиб-таомилларни аниқлаш учун уларни тўғрилаш ва коррупцияга қарши курашиш тизимининг ишончлилиги ва самарадорлигини таъминлаш мақсадида танлов асосида вазирлик тизимидаги функциялар ва ички жараёнларни мониторинг қилиш;

ички ва (ёки) ташқи текширувларни ўтказиш жараёнида Вазирлик ва унинг идоравий мансуб ташкилотлари ходимлари томонидан коррупцияга қарши курашиш бўйича талабларга риоя қилинишини назорат қилиш;

Транспорт вазирлиги тизимида коррупцияга қарши курашиш бўлими коррупцияга қарши курашишни мувофиқлаштирувчи ва бошқа таркибий тузилмаларга юклатилган коррупцияга қарши чора-тадбирларнинг ўз вақтида ва тегишли тартибда амалга оширилиши устидан назорат олиб бориш ва ҳ.к.

Коррупцияга қарши курашиш тизимини назорат қилиш ва мониторинги бўйича чора-тадбирлар натижалари транспорт вазири, Вазирлик ва унинг идоравий мансуб ташкилотлари раҳбарларининг чораклик ҳисоботларида ўз аксини топади.

*з) ҳуқуқбузарликларга нисбатан муносабат билдириш ва айбдор шахсларни жавобгарликка тортиш:*

мазкур Сиёсатга амал қилиш ва Вазирлик тизимида коррупцияга қарши курашиш чора-тадбирларга риоя қилиш ҳар бир ходим учун ўз хизмат мажбуриятларини бажарилиши доирасида мажбурийдир. Ходимлар белгиланган талаб ва тартиб-таомилларнинг бузганлиги учун шахсан жавобгар ҳисобланадилар. Бундан ташқари, бевосита раҳбарлар

ўз бўйсунувидаги ходимлар томонидан коррупцияга оид ҳуқуқбузарликларни содир этилганлиги учун шахсан жавобгар ҳисобланадилар;

коррупцияга қарши курашишга оид белгиланган талаблар ва тамойилларни бузган Вазирлик ва унинг идоравий мансуб ташкилотлари ходимлари Ўзбекистон Республикаси қонунчилигида белгиланган тартибда ва асосларда интизомий, маъмурий ёки жиноий жавобгарликка тортилиладилар;

ходимлар уларни коррупция билан боғлиқ ҳуқуқбузарликни содир этишга ундовчи шахсларнинг ҳар қандай муурожаатлари тўғрисида, шунингдек, бошқа ходимлар томонидан содир этилган коррупцияга оид ҳуқуқбузарликлар ҳақида ўзига маълум бўлган ҳар қандай фактлар ҳақида ўз раҳбарларига ва Транспорт вазирлиги тизимида коррупцияга қарши курашиш бўлимига хабар беришлари шарт;

коррупцияга мутлақо тоқатсизлик тамойилини ҳисобга олган ҳолда, Вазирлик тизимида Вазирлик ва унинг идоравий мансуб ташкилотлари ходимларининг коррупцияга оид ҳуқуқбузарлик содир этишлари билан боғлиқ ҳар қандай асосли шубҳа бўйича хизмат текширувлари Ўзбекистон Республикаси қонунчилиги талабларига мувофиқ ва ички ҳужжатларда белгиланган тартибда ўтказилади. Коррупцияга қарши курашиш тўғрисидаги қонун ҳужжатлари нормаларини ва (ёки) мазкур сиёсат ва Вазирлик ва унинг идоравий мансуб ташкилотларининг бошқа ички ҳужжатларида белгиланган коррупцияга қарши талаб ва тартиб-таомилларни бузган Вазирлик ва унинг идоравий мансуб ташкилотлари ходимлари, уларнинг лавозими, хизмат муддати ва бошқа омиллардан қатъи назар Ўзбекистон Республикаси қонунчилигида ҳамда Вазирлик ва унинг идоравий мансуб ташкилотларининг ички ҳужжатларида назарда тутилган доирада ва асосларда жавобгарликка тортиладилар;

коррупцияга оид ҳуқуқбузарлик аниқланган тақдирда Вазирлик ва унинг идоравий мансуб ташкилотлари уларнинг содир этилиш сабаблари ва шарт-шароитларини таҳлил қиладилар ва доимий асосда коррупцияга қарши курашиш тизимини такомиллаштирадилар;

Вазирлик ва унинг идоравий мансуб ташкилотлари коррупцияга оид ҳуқуқбузарликларни аниқлаш ва ўрганиш учун бошқа ҳуқуқни муҳофаза қилувчи органлар ва давлат органлари билан ҳамкорлик қиладилар.

#### **4-боб. Коррупцияга қарши курашишнинг асосий йўналишлари**

##### **§ 1. Манфаатлар тўқнашувини бошқариш**

12. Вазирлик ва унинг идоравий мансуб ташкилотлари ходимлари ўз хизмат мажбуриятларини бажариш ва (ёки) Вазирлик ва унинг идоравий мансуб ташкилотлари манфаатларини ифодалаш доирасида виждонлилик ва ҳалоллик тамойилларига амал қилиши, шахсий манфаатларини ҳисобга олган ҳолда ўзларининг хизмат мавқеидан ва (ёки) Вазирлик ва унинг идоравий мансуб ташкилотларининг мол-мулкидан фойдаланмаслик ва манфаатлар тўқнашувига олиб келадиган вазиятлардан сақланишлари лозим.

Вазирлик ва унинг идоравий мансуб ташкилотлари ходимларининг ўзларининг хизмат мажбуриятларини лозим даражада ва холис бажаришларига, жумладан, холис қарор қабул қилишга ҳамда Вазирлик ва унинг идоравий мансуб ташкилотларининг ҳуқуқлари, қонуний манфаатлари, мол-мулки ва (ёки) нуфузига таъсир қиладиган ёки таъсир қилиши мумкин бўлган вазиятда манфаатлар тўқнашуви юзага келади.

13. Вазирлик тизимининг ходимлари ишга қабул қилинишида, бошқа лавозимга ўтказилишида манфаатлар тўқнашувига олиб келадиган ёки олиб келиши мумкин бўлган шахсий манфаатдорлиги ҳақидаги маълумотларни ҳар йили ва тегишли вазиятлар/ҳолатлар юзага келишига қараб ошқор қилишга мажбурдирлар. Вазирлик ва унинг идоравий мансуб ташкилотлари ходимлари томонидан манфаатлар тўқнашуви тўғрисидаги маълумотларни ошқор қилиш ва уни ҳал қилиш жараёни Ўзбекистон Республикаси Транспорт вазирлиги тизимида манфаатлар тўқнашувини бошқариш тўғрисидаги низом билан тартибга солинади.

##### **§ 2. Совғалар ва иш жараёнида меҳмондўстлик белгилари**

14. Вазирлик ва унинг идоравий мансуб ташкилотлари ходимларига ўз хизмат мажбуриятларини бажариш билан боғлиқ ҳолда жисмоний ва юридик шахслардан бирон-бир совға ёки иш жараёнида меҳмондўстликнинг белгилари, қарз, кафолатлар, кафилликлар, мукофотлар шаклида рағбатлантириш воситаларини, нақд пул маблағлари ёки уларнинг эквиваленти, қимматли қоғозлар кўринишида моддий ёрдам қабул қилиш тақиқланади.



15. Вазирлик ва унинг идоравий мансуб ташкилотлари ходимлари томонидан расмий делегациялар таркибида, расмий тадбирларда, жумладан, хорижда олинган ҳар қандай совғалар суммасидан қатъи назар Вазирлик ва унинг идоравий мансуб ташкилотларининг мулкига ўтказилади.

16. Вазирлик ва унинг идоравий мансуб ташкилотлари ходимларига уларнинг шахси билан боғлиқ байрамлар (туғилган кун, боланинг туғилиши, Ватан ҳимоячилари куни, Халқаро хотин-қизлар куни)да берилган, хизмат мажбуриятларини бажариши билан боғлиқ бўлмаган совғалар ходимнинг шахси билан боғлиқ совғалар деб тан олинади.

17. Бундай совғаларни беришда қуйидаги талабларга риоя қилиш лозим:

совғалар Вазирлик ва унинг идоравий мансуб ташкилотларининг камида уч нафар ходимлари иштирокида берилиши;

совға бериш жараёни табрик нутқи билан бирга бўлиши, унда совға беришга сабаб бўлган воқеа ўзининг аниқ ифодасини топган бўлиши;

совғанинг умумий қиймати (барча солиқлар ва йиғимларни ҳисобга олган ҳолда) 5 (беш) базавий ҳисоблаш миқдоридан ошмаслиги;

Вазирлик ва унинг идоравий мансуб ташкилотларининг битта ходими бошқа ходимга совға учун сарфлайдиган харажат суммаси, ҳар бир ҳолатда 1 (битта) базавий ҳисоблаш миқдордан ошмаслиги керак.

18. Шубҳалар пайдо бўлмаслиги учун бошқа давлат органлари ва ташкилотлари ходимлари, шериклар ва контрагентлар, ушбу Сиёсатнинг 15 ва 16-бандларида кўрсатилмаган бошқа жисмоний ва юридик шахслардан ҳар қандай байрам (туғилган кун, фарзанд туғилиши, Ватан ҳимоячилари куни, Халқаро хатин-қизлар куни ва ҳ.к.ни инобатга олган ҳолда, бироқ бу билан чекланмасдан) билан боғлиқ ҳолда олинадиган, ушбу Сиёсатнинг 14-бандида санаб ўтилган совғалар ва бошқа моддий бойликларни олиш тақиқланади.

19. Транспорт вазирлиги номидан халқаро конференцияларда, симпозиумларда ва бошқа ишбилармонлик (хизматга оид) йиғилишларда совғалар бериш транспорт вазири ёки унинг ўринбосарларининг буйруғи билан амалга оширилади.

20. Совғани қабул қилишнинг қонунийлиги тўғрисида шубҳа туғилган ҳар қандай ҳолларда Вазирлик ва унинг идоравий мансуб ташкилотлари ходими Транспорт вазирлиги тизимида коррупцияга қарши кураш бўлимига маслаҳат сўраб мурожаат қилиши лозим.

### **§ 3. Ходимларни танлаш, лавозимдан лавозимга ўтказиш, моддий рағбатлантириш**

21. Вазирлик ва унинг идоравий мансуб ташкилотлари ходимларини танлаш, уларни аттестациядан ўтказиш ва фаолиятини баҳолаш, шу жумладан мукофот пулларини тўлаш, устама ҳақлар ва бошқа турдаги мукофотларни белгилаш жараёни барча ходимлар учун шаффоф, тенг ва холис бўлиб, ушбу Сиёсатнинг асосий тамойиллари ва талабларига мувофиқ келади.

22. Вазирлик ва унинг идоравий мансуб ташкилотлари да уларнинг раҳбарлари, шунингдек, бошқарма ва бўлим бошлиқларини мукофотлашга асос бўлиб хизмат қиладиган, улар фаолиятининг асосий кўрсаткичларини баҳолаш тартиби ва мезонлари ишлаб чиқилган бўлиши лозим. Ушбу кўрсаткичлар холис, ошкора ҳамда Вазирлик ва унинг идоравий мансуб ташкилотлари ходимлари томонидан кўриб чиқилиши мумкин.

### **§ 4. Соҳа ва тизим ташкилотларида ўрганишлар ўтказиш**

23. Транспорт соҳаси ташкилот ва корхоналарининг (кейинги ўринларда – “Ўрганиш объектлари”) фаолиятини ўрганишда Транспорт вазирлиги тизимидаги ташкилот ва корхоналари ходимлари:

манфаатлар тўқнашувига йўл қўймаслиги;

объектни ўрганиш бир ходим томонидан амалга оширилмаслиги;

содир этилиши мумкин бўлган ҳуқуқбузарликларни сохталаштириш учун ўрганиш объекти вакилларининг саводсизлигидан фойдаланиб қонун ҳужжатлари нормаларини нотўғри талқин қилмаслиги, текширилаётган объект ходимларини аниқланган фактларни ҳуқуқни муҳофаза қилувчи органларга тақдим этиш билан кўрkitмаслиги;

текширилаётган объектнинг ходимларига таҳдид қилмаслиги;

ўрганиш предметига кирмайдиган масалалар билан қизиқмасликлари ва ҳужжатларни сўрамасликлари.

Вазирлик ва унинг идоравий мансуб ташкилотлари ходимлари ўрганиш давомида аниқланган ҳар бир ҳуқуқбузарлик ҳолатларига қонуний ва профессионал баҳо беришлари;

агар ўрганиш объекти вакиллари Вазирлик ва унинг идоравий мансуб ташкилотлари ходимларига аниқланган қонунбузарликларни

яшириш учун пора ва (ёки) бирон-бир моддий қимматлик ёки хизматларни таклиф қилса, ўрганиш гуруҳи раҳбарини дарҳол хабардор қилишлари;

ўрганиш объекти вакилларига Вазирлик ва унинг идоравий мансуб ташкилотлари ходимларининг ахлоқий хулқ-автор тамойилларига мувофиқ холис муносабатда бўлишлари шарт.

24. Хизмат мажбуриятига давлат органлари ва ташкилотларини ўрганиш кирадиган Вазирлик ва унинг идоравий мансуб ташкилотларининг таркибий тузилмаларида ўтказилган ўрганиш натижалари бўйича Вазирлик ва унинг идоравий мансуб ташкилотлари томонидан қабул қилинган қарорлар юзасидан низолашиш учун апелляция инстанциялари ташкил этилади.

### **5-§. Контрагентлар ва учинчи шахслар билан ўзаро муносабатлар**

25. Вазирлик ва унинг идоравий мансуб ташкилотлари ушбу Сиёсатнинг тамойиллари ва талабларига зид бўлган ҳар қандай тўловлар ва (ёки) шу каби коррупциявий хавф-хатарларни келтириб чиқарувчи хатти-ҳаракатларни амалга ошириш учун маҳсулот етказиб берувчиларни, пудратчиларни ва бошқа учинчи томонларни жалб қилмайдилар.

26. Вазирлик ва унинг идоравий мансуб ташкилотлари контрагентлар билан муносабатларда ўз фаолиятини амалга оширишида қонунийлик ва шаффофлик тамойилларига амал қиладилар. Вазирлик ва унинг идоравий мансуб ташкилотлари танлашнинг холис мезонларидан фойдаланишга асосланган, маҳсулот етказиб берувчилар, пудратчилар ва бошқа контрагентларни танлаб олишнинг ҳаққоний, очик ва шаффоф жараёнини ҳамда Ўзбекистон Республикасининг амалдаги қонунчилиги ва сотиб олинадиган маҳсулотнинг Вазирлик тизимининг ички ҳужжатлари билан тартибга солинадиган баҳосини аниқлашнинг шаффоф тартибини таъминлайдилар.

27. Вазирлик ва унинг идоравий мансуб ташкилотлари контрагент билан ўзаро ҳамкорлигида:

эҳтимоли юқори бўлган контрагентнинг ишончилигини, шу жумладан ўтмишда коррупциявий ҳуқуқбузарликларни содир этганлиги, Вазирлик ва унинг идоравий мансуб ташкилотлари давлат харидлари тўғрисидаги низомга мувофиқ ва Ўзбекистон Республикаси қонунчилиги нормалари доирасида Вазирлик тизими ходимлари билан манфаатлар тўқнашуви мавжуд эмаслигини текширадилар;

эҳтимоли юқори бўлган контрагентни (танлов, тендер ғолибини ва тўғридан-тўғри шартномалар бўйича харид контрагентини) ўзининг коррупцияга қарши тамойллари ва талаблари ҳақида улар билан тузиладиган шартномалар матнига коррупцияга қарши махсус шартларни қўшган ҳолда хабардор қиладилар.

### **§ 6. Хайрия ва ҳомийлик фаолияти**

28. Вазирлик ва унинг идоравий мансуб ташкилотлари қонунда назарда тутилган ҳолларда хайрия ва ҳомийликни қабул қилишлари мумкин. Бундай ёрдамни олган пайтда Вазирлик ва унинг идоравий мансуб ташкилотлари манфаатлар тўкнашувига йўл қўймаслик, маблағларни қонунда ва (ёки) шартномада белгиланган мақсадлар учун самарали сарфланишини таъминлаш, шунингдек Интернет тармоғидаги ўзининг расмий веб-сайтларида имкон қадар барча чораларни кўришлари мумкин.

### **§ 7. Вазирлик ва унинг идоравий мансуб ташкилотлари фаолиятини видеотасвирга олиш ва трансляция қилиш**

31. Вазирлик ва унинг идоравий мансуб ташкилотлари ходимларининг фаолиятини назорат қилиш учун Вазирлик ва унинг идоравий мансуб ташкилотлари хоналарида видео ва аудио ёзув камералари жойлаштирилади, уларнинг ёзувлари Вазирлик ва унинг идоравий мансуб ташкилотларининг масъул ходимлари томонидан доимий равишда кузатиб борилади.

32. Вазирлик ва унинг идоравий мансуб ташкилотлари нинг расмий веб-сайтларига коррупция хавфи юқори бўлган айрим жараёнларнинг онлайн трансляциялари жойлаштирилади (хусусан, ходимлар билан суҳбат ўтказиш ва уларни синовдан ўтказиш, комиссия йиғилишлари ва бошқалар).

### **§ 8. Ички ҳужжатларни коррупцияга қарши экспертизаси**

33. Ички ҳужжатларни ҳуқуқий экспертизадан ўтказишда ҳужжатларда коррупциявий ҳуқуқбузарликлар содир этилишига имкон яратадиган коррупциявий омиллар келиб чиқишини олдини олиш, аниқлаш ва истисно қилиш мақсадида ҳам экспертиза ўтказилади.

## **§ 9. Транспорт вазирлиги тизими ходимларига маслаҳат бериш**

34. Вазирлик ва унинг идоравий мансуб ташкилотлари ходимларида коррупцияга қарши амалдаги қонун ҳужжатлари талаблари, ушбу Сиёсат қоидалари ёки Вазирлик ва унинг идоравий мансуб ташкилотларида коррупцияга қарши бошқа чора-тадбирлар ва тартиб-таомиллар билан боғлиқ бўлган ҳар қандай саволлар бўлса, улар ўзларининг таркибий бўлинмаси ва (ёки) Транспорт соҳасида яширин иқтисодиёт ва коррупцияга қарши курашиш бўлимига ҳамда “1167” ишонч телефониغا мурожаат қилишлари мумкин.

### **5-боб. Коррупциявий ҳуқуқбузарликлар тўғрисида хабар бериш**

35. Вазирлик ва унинг идоравий мансуб ташкилотлари ходимлари ва бошқа шахслар, агар улар Вазирлик тизими ходимлари хатти-ҳаракатларининг қонунийлиги ва (ёки) одоб-ахлоққа мувофиқлиги тўғрисида шубҳа туғилса, коррупция ва бошқа ҳуқуқбузарлик ҳолатлари содир этилишига гумон ёки содир этилганлиги фактлари бўлса, улар бу ҳақда вазирликнинг фойдаланиш мумкин бўлган алоқа каналлари орқали хабар беришлари мумкин.

36. Вазирлик ва унинг идоравий мансуб ташкилотлари ўз ваколатлари ва мавжуд имкониятлари доирасида ҳуқуқбузарлик тўғрисида ишончли маълумот берган шахснинг махфийлигини таъминлайдилар (қонунчиликда назарда тутилган ҳоллар бундан мустасно).

37. Вазирлик ва унинг идоравий мансуб ташкилотлари ўз ходимларининг манфаатларини ҳимоя қиладилар ва қасос олишга қаратилган ҳаракатларга, шу жумладан ишдан бўшатиш, лавозимни пасайтириш, камситиш, босим ўтказиш, вазирлик тизимининг бошқа ходимларининг шубҳали ҳаракатлари ёки улар томонидан ушбу Сиёсатнинг коррупцияга қарши талабларини бузиш эҳтимоли ҳақида хабар берган шахсларни таъқиб қилинишига йўл қўймаслигини кафолатлайдилар.

38. Коррупцияга оид ҳуқуқбузарликлар тўғрисидаги хабарларни қўйидаги алоқа каналлари орқали бериш мумкин:

“1167” телефон рақами ва Вазирлик ва унинг идоравий мансуб ташкилотлари томонидан ўрнатилган бошқа телефон рақамлар;

Вазирлик ва унинг идоравий мансуб ташкилотларининг Telegram каналлари ва бошқа Телеграм каналлари;

Вазирлик ва унинг идоравий мансуб ташкилотлари расмий веб-сайтларида жойлаштирилган шакллар;

Вазирлик ва унинг идоравий мансуб ташкилотларининг электрон почта манзиллари;

тўғридан-тўғри ҳуқуқни муҳофаза қилиш органларига.

39. Вазирлик тизимининг алоқа каналларига келиб тушган барча хабарлар Ўзбекистон Республикаси қонун ҳужжатлари ва Вазирлик ва унинг идоравий мансуб ташкилотларининг ички ҳужжатларига мувофиқ Вазирлик тизимининг масъул бўлинмаси ёки ходими томонидан ҳолис тарзда ва ўз вақтида кўриб чиқилади.

40. Аноним равишда (фақат Вазирлик ва унинг идоравий мансуб ташкилотларининг Телеграм каналлари орқали) юборилган хабарлар ҳам кўриб чиқиш учун қабул қилинади. Ўз номини ошкор қилинмаслигини истаган ариза берувчи бундай ҳолатда қўйидагиларни тан олади:

Вазирлик ва унинг идоравий мансуб ташкилотлари хабарга жавоб бериш учун мурожаат этувчи шахс билан боғлана олмайди;

Вазирлик ва унинг идоравий мансуб ташкилотлари зарур қўшимча маълумотларни олишнинг имконияти йўқлиги сабабли хабарни тўлиқ ва ҳар томонлама ўрганишни амалга ошира олмайди.

41. Вазирлик ва унинг идоравий мансуб ташкилотлари томонидан келиб тушган хабарга жавоб бериш учун мурожаат этувчи шахс билан қўйидаги ҳолатларда боғланилмайди:

тўлиқ ва кенг қамровли ўрганиш ўтказиш учун зарур бўлган қўшимча маълумотларнинг йўқлиги;

Вазирлик ва унинг идоравий мансуб ташкилотлари ходимининг қасддан ёлғон маълумотни тақдим этиши ушбу Сиёсатни бузилиши ва ахлоқсиз хулқ-атворнинг намунаси сифатида қаралса, бундай шахс эса Ўзбекистон Республикаси қонун ҳужжатларига ва вазирликнинг ички ҳужжатларига мувофиқ жавобгарликка тортилиши мумкин.

42. Вазирлик тизимида коррупция фактлари тўғрисида виждонан хабар берган транспорт вазирлиги тизимининг ходимлари, агар бу маълумотлар тасдиқланган бўлса, ички ҳужжатларга мувофиқ рағбатлантирилиши мумкин.

43. Барча алоқа каналларининг ишлаши ва олинган хабарларни қайта ишлаш/кўриб чиқиш тартиби тўғрисидаги батафсил маълумот

Транспорт вазирлигининг коррупциявий тусдаги маълумот ҳақида хабар бериш учун алоқа каналлари тўғрисидаги низомда ва транспорт вазирлиги тизимининг бошқа шунга ўхшаш ички ҳужжатларида акс этган.

#### **6-боб. Қайта кўриб чиқиш ва ўзгартиришлар киритиш тартиби**

44. Ушбу Сиёсат қуйидаги ҳолларда қайта кўриб чиқилиши ва тузатилиши керак:

коррупцияга қарши курашиш амалдаги сиёсат ва тартиб-таомилларни қайта кўриб чиқиш заруратини келтириб чиқарадиган ҳолда коррупцияга қарши курашиш соҳасида Ўзбекистон Республикасининг конунчилиги ўзгарганда;

коррупцияга қарши курашиш самарасиз назорат ва тартиб-таомиллар аниқланганда ва Вазирлик ва унинг идоравий мансуб ташкилотлари фаолиятида коррупцияни олдини олиш ва унга қарши курашишга қаратилган чора-тадбирларни такомиллаштиришга зарурат туғилганда;

вазирлик тизимининг ташкилий тузилмаси ва (ёки) Вазирлик ва унинг идоравий мансуб ташкилотлари томонидан ўз вазифаларини бажариши хусусиятлари ва бошқалар ўзгарганда.

**Ўзбекистон Республикаси Транспорт вазирлигининг коррупцияга оид  
ҳаракатлар тўғрисида ахборот бериш учун алоқа каналлари орқали келиб  
тушган хабарларни қабул қилиш ва қайта ишлаш  
РЕГЛАМЕНТИ**

**1- боб. Умумий қоидалар**

1. Мазкур Регламент коррупцияга қарши курашиш, манфаатлар тўқнашувини аниқлаш ва тегишли таъсир чораларини кўришга қаратилган чоратadbирларнинг самарадорлигини ошириш мақсадида ишлаб чиқилган.

2. Мазкур Регламент коррупцияга оид ҳаракатлар ҳақида ахборот бериш учун алоқа каналлари ишлашининг асосий тамойилларини, шунингдек, хабарларни қабул қилиш, уларни рўйхатдан ўтказиш ва келиб тушган хабарларга муносабат билдириш тартибини белгилайди.

3. Мазкур Регламентда қуйидаги асосий тушунчалар қўлланилади:

**мурожаатчи** - коррупцияга оид ҳаракатлар тўғрисида ахборот бериш учун алоқа каналлари орқали Транспорт вазирлиги тизими ташкилот ва корхоналарига мурожаат қилаётган ҳар қандай жисмоний ва (ёки) юридик шахс, жумладан, Транспорт вазирлиги тизими ташкилот ва корхоналари ходимлари;

**Call-center** - Транспорт вазирлигининг “1167” ишонч телефонида келиб тушаётган мурожаатларни марказлаштирилган ҳолда қабул қилиш, тўплаш, таснифлаш ва тизимлаштириш, шунингдек, уларни тўлик, ўз вақтида ва сифатли кўриб чиқилишини мониторинг қилиш имконини берувчи тизим;

**манфаатлар тўқнашуви** - шахсий (бевосита ёки билвосита) манфаатдорлик Транспорт вазирлиги тизими ташкилот ва корхоналари ходимининг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан Транспорт вазирлиги тизими ташкилот ва корхоналарининг ҳуқуқлари ва қонуний манфаатлари ўртасида қарама- қаршилик юзага келаётган ёки юзага келиши мумкин бўлган вазият;

**коррупция** - шахснинг ўз мансаб ёки Хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

**коррупцияга оид ҳаракатлар** - ходим томонидан пора берувчининг



манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкый тусдаги хизматларни, бошқа мулкый ҳуқуқларни олиш, талаб қилнш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

**коррупцияга оид ҳуқуқбузарлик** - коррупция аломатларига эга бўлган, содир этилганлиги учун Ўзбекистон Республикаси қонун ҳужжатларида жавобгарлик назарда тутилган қилмиш;

**коррупциявий хавф-хатар** - Транспорт вазирлиги тизими ташкилот ва корхоналари ходимлари ёки учинчи шахслар томонидан Транспорт вазирлиги тизими ташкилот ва корхоналари номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

**ходимнинг шахсий манфаатдорлиги** - Транспорт вазирлиги тизими ташкилот ва корхоналари ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

**ходим** - Транспорт вазирлиги тизими ташкилот ва корхоналари билан меҳнат муносабатларига киришган шахс;

**релевант хабар** - коррупцияга оид ҳаракатлар ва (ёки) манфаатлар тўқнашуви ҳақидаги ахборотдан иборат бўлган хабар.

4. Транспорт вазирлиги коррупцияга оид ҳаракатлар ҳақида ахборот бериш учун алоқа каналларининг ишини куйидаги тамойиллар асосида ташкил этади: **фуқароларнинг ҳуқуқ ва эркинликларини ҳимоя қилиш**-Транспорт вазирлиги жисмоний ва юридик шахсларнинг ҳуқуқлари, эркинликлари ва қонуний манфаатларини тан олади ҳамда ҳимоя қилади;

**конфиденциаллик ва хавфсизлик** - алоқа каналларидаги хабарлардан фойдаланишга рухсат берилган Транспорт вазирлиги тизими ташкилот ва корхоналарининг барча ваколатли шахслари ушбу хабарларни ваколатга эга бўлмаган шахсларга бериш (ошкор қилиш)га ҳақли эмас. Бунда, агар мурожаатчи ўз хабарининг юборганлиги фактини бошқа ходимларга ёки учинчи шахсларга ўз хоҳишига кўра, жумладан, эҳтиётсизлиги натижасида ошкор қилган бўлса, Транспорт вазирлиги тизими ташкилот ва корхоналари унинг махфийлигини

таъминлаш бўйича жавобгар бўлмайди;

**қонунийлик-** Транспорт вазирлигининг алоқа каналларига келиб тушаётган хабарларни қабул қилиш, рўйхатга олиш, қайта ишлаш ва кўриб чиқиш қатъий равишда Ўзбекистон Республикаси қонунчилиги талабларига мувофиқ амалга оширилади;

**келиб тушган барча хабарларни ўрганиш** - Транспорт вазирлиги Ўзбекистон Республикаси қонунчилигида назарда тутилган ҳоллардан ташқари барча олинган хабарларни тўлиқ (имкони борича), ҳар томонлама, холис ва ўз вақтида кўриб чиқилишига кафолат беради;

**мурожаатчининг таъқиб қилинмаслиги** - алоқа каналлари орқали эҳтимоли бўлган ҳуқуқбузарликлар ҳақида ўз хоҳишига кўра хабар берган Транспорт вазирлиги тизими ташкилот ва корхоналарининг ходими хабарнинг мазмундан қатъи назар бирон-бир жавобгарликка тортилиши мумкин эмас;

**мурожаатчи билан мажбурий қайта алоқа** - агар хабар аноним бўлмаса, уни кўриб чиқиш натижалари Транспорт вазирлигининг ваколат берилган ходими томонидан мурожаатчига етказилиши лозим;

**таъсир чораларини қўллашнинг мажбурийлиги** - коррупция факти тасдиқланган тақдирда Транспорт вазирлиги айбдор шахсларни жавобгарликка тортиш учун Ўзбекистон Республикасининг қонунчилигига мувофиқ ҳаракат қилади.

## **2- боб. Коррупцияга оид ҳаракатлар ҳақида ахборот бериш учун алоқа каналлари**

5. Хабар қуйидаги алоқа каналлари орқали юборилиши мумкин:

“1167” телефон рақами орқали Транспорт вазирлигининг “Call-center”;

Telegram-канал ([@transanticorbot](https://t.me/transanticorbot));

Транспорт вазирлигига шахсан мурожаат қилиш;

Транспорт вазирлигининг расмий веб-сайти <https://mintrans.uz/> жойлаштирилган шакл ёки [info@mintrans.uz](mailto:info@mintrans.uz) электрон почтаси;

Транспорт вазирлиги тизими ташкилот ва корхоналари ходимлари ва улар девонхонаси телефон рақами;

рахбар ёки бевосита ҳуқуқни муҳофаза қилувчи органлар (фақат Транспорт вазирлиги тизими ташкилот ва корхоналари ходимлари учун);

мазкур Регламентда кўрсатилмаган бошқа алоқа каналлари.

6. Келиб тушган барча хабарларни ўрганиш мазкур Регламентда назарда тутилган ҳоллардан ташқари қабул қилиниши, рўйхатдан ўтказилиши ва кўриб чиқилиши лозим.

7. Коррупцияга оид ҳаракатлар ҳақида хабар келиб тушганда алоқа каналларида хабарларни қабул қилаётган Транспорт вазирлигининг ваколатли ходими:

мурожаатчига @transanticorbot Telegram-каналига мурожаат қилишни таклиф қилиши;

Транспорт вазирлиги тизими ташкилот ва корхоналари келиб тушган хабарга жавоб бериш учун мурожаатчи билан боғлана олмасликлари ҳақида маълум қилиши;

Транспорт вазирлиги тизими ташкилот ва корхоналари қўшимча зарур маълумот олиш имконияти мавжуд эмаслиги сабабли хабарни тўлиқ ва ҳар томонлама ўргана олмасликларини билдириши;

Мурожаатчи ўз арзидан воз кечганида - мазкур Регламентда назарда тутилган тартибда хабарни қабул қилиши шарт.

8. Транспорт вазирлиги тизими ташкилот ва корхоналарининг алоҳида ишонч тармок/телефонлари орқали келиб тушган Транспорт вазирлиги тизимидаги коррупцияга оид хабар қабул қилинганда, бундай хабарни қабул қилган ходим уни бир кунлик муддатда Транспорт соҳасида яширин иқтисодиёт ва коррупцияга қарши курашиш бўлимига кўриб чиқиш учун тақдим этиши лозим. Бундай хабар ҳақидаги ахборот Транспорт соҳасида яширин иқтисодиёт ва коррупцияга қарши курашиш бўлимининг ходими томонидан 1-иловага мувофиқ шаклда Коррупцияга оид ҳаракатлар ҳақидаги хабарларни қабул қилиш реестрида бир соат ичида рўйхатга олинади.

### **3-боб. Алоқа каналлари орқали келиб тушаётган хабарларни қабул қилиш ва рўйхатга олиш**

9. Коррупцияга оид ҳаракатлар ҳақидаги хабарларни қабул қилаётган ходим мурожаатчидан қуйидаги маълумотларни имкони борича аниқлаштириши лозим:

Транспорт вазирлиги тизими ташкилот ва корхонаси ҳамда унинг таркибий тузилмаси ҳақида;

ҳуқуқбузарлик содир этилган, содир этилаётган ёки содир этилиши мумкин бўлган вақтинчалик давр ва унинг мунтазамлиги (такрорланувчи, бир марталик);

ҳуқуқбузарликнинг қисқача тавсифи (жумладан, маълумотлар, аниқ муҳим фактлар ва ҳолатлар, аҳамиятга молик ўхшашликлар, эҳтимоли бўлган сабаблар);

гумонланувчи ва (ёки) дахлдор бўлган шахсларнинг лавозими ва Ф.И.О.;

ҳуқуқбузарлик ҳақида билиши ва уни тасдиқлаши ва (ёки) хабар қилинаётган ахборотни тўлдириши мумкин бўлган Транспорт вазирлиги тизими ташкилот ва корхоналари ходимларининг лавозими ва Ф.И.О.;

мурожаатчининг Ф.И.О. ва алоқа маълумотлари (ўзи истаганда қайта алоқага чиқиш учун).

### **4-боб. “Call-center” орқали келиб тушган хабарларни қабул қилиш ва рўйхатга олиш**

10. “Call-center”нинг “1167” рақами орқали келиб тушган хабарларни қабул

қилиш ва қайта ишлаш тартиби Ўзбекистон Республикаси Транспорт вазирининг буйруғи билан белгиланган тартибда амалга оширилади.

11. Агар “Call-center” орқали мурожаат қилган шахс ўз хабарини тасдиқлаш учун қўшимча материлларга, масалан, фотоматериаллар, ҳужжатлар, аудио ва видеоёзувларга эга бўлса, унда оператор уларни тақдим этиш бўйича фойдаланиладиган алоқа каналлари (“@transanticorbot” Telegram-канални ёки [info@mintrans.uz](mailto:info@mintrans.uz) электрон почта)ни кўрсатади ва тақдим этилаётган ахборотнинг конфиденциаллигини билдиради.

12. Агар хабар релевант бўлса, оператор «mf.ijro.uz» тизимида мурожаатнинг тегишли тоифасини кўрсатади ва келиб тушган мурожаатни тезкорлик билан таҳлил қилиш ва кўриб чиқиш учун ижрочи сифатида Транспорт соҳасида яширин иқтисодиёт ва коррупцияга қарши курашиш бўлимини танлайди.

13. Транспорт соҳасида яширин иқтисодиёт ва коррупцияга қарши курашиш бўлимининг ходими “mf.ijro.uz” тизимида вазифа олганидан кейин бир соат ичида хабарни Реестрда рўйхатга олиши керак.

#### **5-боб. Telegram-канални орқали олинган хабарларни қабул қилиш ва рўйхатга олиш**

14. Хабар қайси Транспорт вазирлиги тизими ташкилот ва корхонасига тегишли бўлишидан қатъи назар, “@transanticorbot” Telegram-канални коррупцияга оид ҳаракатлар ҳақида ахборот бериш учун умумий алоқа канални бўлиб ҳисобланади.

15. Транспорт вазирлигининг Telegram-канални орқали келиб тушаётган хабарларни қабул қилиш учун Транспорт соҳасида яширин иқтисодиёт ва коррупцияга қарши курашиш бўлиmidан масъул ходим тайинланади. Масъул ходим келиб тушаётган хабарларни душанбадан жумагача соат 09:00дан 18:00га қадар қабул қилади. Агар хабар иш вақтидан ташқари пайтда келиб тушса, бу хабар навбатдаги иш кунида масъул ходим томонидан рўйхатга олинади учун сақланади.

16. Агар мурожаатчи ўз хабарларини тасдиқловчи ҳужжатлар (аудио ва видеоёзувлар, фотосуратлар ва бошқалар)га эга бўлса, уларни Telegram даги хабарига қўшиб қўйиши мумкин.

17. “@transanticorbot” Telegram-канални коррупцияга қарши курашиш каналига Транспорт вазирлиги тизими ташкилот ва корхоналари ходимлари томонидан коррупцияга оид хатти-ҳаракатлар тўғрисидаги хабар келиб тушганда Транспорт вазирлига тизимида коррупцияга қарши курашиш бўлимининг масъул ходими мурожаатчи билан электрон ёзишма йўли билан ёки телефонда бир соат ичида зарур ахборотни аниқлаштиради ва хабарни Реестрда рўйхатга олади.

#### **6-боб. Шахсий (оғзаки) тартибда олинган хабарларни қабул қилиш ва рўйхатга олиш**

18. Мурожаатчиларнинг коррупцияга оид ҳаракатлар ҳақида маълумотдан иборат бўлган хабарлари Транспорт вазирлиги тизими ташкилот ва корхоналари ходимлари томонидан шахсан (оғзаки) қабул қилиниши мумкин.

19. Релевант хабар келиб тушганда хабарларни қабул қилаётган ходим уни қабул қилиши ва бир соат ичида хизмат хатини тайёрлаши ҳамда унда куйидагиларни кўрсатиши лозим:

мурожаатчининг Ф.И.О.;

электрон почта ва қайта алоқа учун телефон;

хабар матни;

заруратга кўра илова қилинадиган қўшимча материаллар.

20. Хизмат хати электрон почта орқали Транспорт соҳасида яширин иқтисодиёт ва коррупцияга қарши курашиш бўлимига юборилиши лозим.

21. Кўрсатилган алоқага чиқишга оид маълумотлар бўйича мурожаатчи билан такроран мулоқот қилиш чораларини кўриши керак.

22. Транспорт соҳасида яширин иқтисодиёт ва коррупцияга қарши курашиш бўлимининг ходими хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

**7-боб. Вазирликнинг расмий веб-сайтига жойлаштирилган шакл ва электрон почта орқали олинган мурожаатларни қабул қилиш ва рўйхатга олиш**

23. Вазирликнинг расмий веб сайтига жойлаштирилган шакл ва [info@mintrans.uz](mailto:info@mintrans.uz) электрон почтаси орқали келиб тушаётган релевант хабарларни қабул қилиш Транспорт вазирлигининг Мурожаатлар билан ишлаш бўлими томонидан амалга оширилади.

24. Вазирликнинг расмий веб-сайтига жойлаштирилган шакл ва [info@mintrans.uz](mailto:info@mintrans.uz) электрон почтаси орқали релевант хабар келиб тушганда Мурожаатлар билан ишлаш бўлимининг масъул ходими бир соат ичида уни Транспорт соҳасида яширин иқтисодиёт ва коррупцияга қарши курашиш бўлимига ўтказиб юбориши керак.

25. Транспорт соҳасида яширин иқтисодиёт ва коррупцияга қарши курашиш бўлимининг ходими Транспорт вазирлигининг Мурожаатлар билан ишлаш бўлимидан хабарни олганидан кейин уни Реестрда рўйхатга олиши лозим.

**8-боб. Ўзбекистон Республикаси Президентининг Виртуал қабулхонаси орқали олинган мурожаатларни қабул қилиш ва рўйхатга олиш**

26. Ўзбекистон Республикаси Президентнинг Виртуал қабулхонаси орқали релевант хабар келиб тушганда Транспорт вазирлигининг Ташкилий-назорат ва таҳдил бошқармаси масъул ходими олинган маълумотларни “mf.ijro.uz” тизимида рўйхатга олиш учун киритади.

27. Агар хабар релевант бўлса, оператор 30 дақиқа ичида “mf.ijro.uz”

тизимда мурожаатнинг тегишли тоифасини кўрсатади ва ижрочи сифатида Транспорт соҳасида яширин иқтисодиёт ва коррупцияга қарши курашиш бўлимини белгилайди.

28. Транспорт соҳасида яширин иқтисодиёт ва коррупцияга қарши курашиш бўлимининг ходими “mf.ijro.uz” тизимида топшириқ олганидан сўнг хабарни мазкур Регламентга 1-иловага мувофиқ шаклдаги Коррупцияга қарши ҳаракатлар ҳақидаги хабарларни қабул қилиш реестрда рўйхатга олиши лозим.

**9-боб. Транспорт вазирлиги ходимлари ва девонхонанинг телефони орқали келиб тушган хабарларни қабул қилиш ва рўйхатга олиш**

29. Мурожаатчиларнинг коррупцияга оид ҳаракатлар ҳақидаги хабарлари Транспорт вазирлиги ходимлари томонидан иш телефони, шунингдек, девонхонанинг телефони орқали ҳам қабул қилиниши мумкин.

30. Транспорт вазирлиги ходими ёки девонхонага кўнғироқ қилинганда ходим мурожаатчининг хабарини қабул қилиши ва ундан қуйидаги маълумотларни олиши керак:

муурожаатчининг Ф.И.О.;

қайта алоқа учун электрон почта ёки телефон;

хабар матнининг ўзини белгилаб олиши;

заруратга кўра қўшимча илова қилинадиган материаллар.

31. Транспорт вазирлиги ходими хабарни қабул қилиб олган пайдан бошлаб 30 дақиқа ичида мазкур Регламентнинг 30-бандида санаб ўтилган маълумотларни кўрсатиб хизмат хатини тайёрлайди ва олинган маълумотни Транспорт соҳасида яширин иқтисодиёт ва коррупцияга қарши курашиш бўлимига ўтказади.

32. Агар хабарда зарур ахборот тўлиқ бўлмаса, Транспорт соҳасида яширин иқтисодиёт ва коррупцияга қарши курашиш бўлимининг масъул ходими бир соат ичида боғланиш учун кўрсатилган маълумотлар бўйича мурожаатчи билан такроран мулоқот қилиш чораларини кўриши керак.

33. Транспорт соҳасида яширин иқтисодиёт ва коррупцияга қарши курашиш бўлимининг ходими хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

**10-боб. Ходимнинг раҳбарига келиб тушган хабарларни қабул қилиш ва рўйхатга олиш**

34. Транспорт вазирлиги тизими ташкилот ва корхоналари ходимларининг ўзларига маълум бўлган коррупцияга оид ҳаракатлари ҳақида ўзининг бевосита раҳбарига ёки Транспорт соҳасида яширин иқтисодиёт ва коррупцияга қарши курашиш бўлимига хабар беришлари мумкин.

35. Узига бўйсунувчи ходимдан релевант хабарни олган Транспорт

вазирлиги таркибий бўлинмаси раҳбари хизмат хатини тайёрлаши ва унда куйидагиларни кўрсатиши шарт:

ходимнинг Ф.И.О.;

Транспорт вазирлиги тизими ташкилот ва корхонаси ва/ёки унинг таркибий бўлинмаси;

қайта алоқа учун электрон почта ёки телефон;

хабар матни;

заруратга кўра қўшимча илова қилинадиган материаллар.

36. Релевант хабарни қабул қилиб олган Транспорт вазирлиги таркибий бўлинмаси раҳбари бир иш куни ичида олинган маълумотни электрон почта орқали Транспорт соҳасида яширин иқтисодиёт ва коррупцияга қарши курашиш бўлимига юборади.

37. Агар хабарда зарур ахборот тўлиқ бўлмаса, Транспорт соҳасида яширин иқтисодиёт ва коррупцияга қарши курашиш бўлимининг масъул ходими бир соат ичида кўрсатилган алоқага чиқишга оид маълумотлар бўйича мурожаатчи билан такроран мулоқот қилиш чораларини кўриши керак.

38. Транспорт соҳасида яширин иқтисодиёт ва коррупцияга қарши курашиш бўлимининг ходими хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

#### **11-боб. Коррупцияга оид ҳаракатлар ҳақидаги хабарларни кўриб чиқиш**

39. Транспорт соҳасида яширин иқтисодиёт ва коррупцияга қарши курашиш бўлимига келиб тушган барча хабарлар ушбу бўлимнинг ходимлари томонидан кўриб чиқилиши керак.

40. Хабар келиб тушганда Транспорт соҳасида яширин иқтисодиёт ва коррупцияга қарши курашиш бўлими ходими унинг релевантчилигини таҳлил қилади, яъни хабарда кўрсатилган маълумот коррупцияга оид ҳуқуқбузарликка ва (ёки) манфаатлар тўқнашувига тегишлилигини текширади.

41. Мазкур Регламентнинг 40-бандида назарда тутилган хабарни таҳлил қилиш натижаларидан қатъий назар, бу ҳақдаги ахборот Реестрга киритилади.

42. Агар Транспорт соҳасида яширин иқтисодиёт ва коррупцияга қарши курашиш бўлими ходими хабар релевант эмас деган хулосага келса, бу хабар бир соат ичида Транспорт вазирлигининг масъул бўлинмасига ўтказилиши лозим.

43. Агар хабарда коррупцияга оид ҳаракатлар ва (ёки) манфаатлар тўқнашуви ҳақида маълумот бўлмаса ҳамда хизмат текшируви ўтказиш учун

етарли асослар бўлса, Транспорт соҳасида яширин иқтисодиёт ва коррупцияга қарши курашиш бўлими ходими ички идоравий ҳужжатда белгиланган тартибда хизмат текшируви ўтказиш ташаббуси билан чиқади.

44. Релевант хабарларни мазмунан кўриб чиқиш Транспорт вазирлигига келиб тушган кундан эътиборан 30 кун ичида, қўшимча ўрганиш ва (ёки) текшириш,

қўшимча ҳужжатларни сўраб олиш талаб этилганда эса, Транспорт вазирлигининг розилиги билан узайтирилиши мумкин.

Релевант хабарларни кўриб чиқиш натижаларига кўра ўрганиш натижалари ва қўлланилган таъсир чоралари кўрсатилган жавоб хати тайёрланади ва мурожаат қилган шахсга юборилади (кўрсатилган алоқа маълумотлари бўйича ёзма ёки электрон шаклда).

45. Мурожаатга жавоб Транспорт соҳасида яширин иқтисодиёт ва коррупцияга қарши курашиш бўлими томонидан тайёрланади.

46. Telegram-канал орқали келиб тушган хабарга жавоб мурожаатчига электрон шаклда Telegram-канал ва (ёки) кўрсатилган алоқа маълумотлари орқали юборилади.

#### **12-боб. Ҳисобот**

47. Транспорт соҳасида яширин иқтисодиёт ва коррупцияга қарши курашиш бўлими доимий асосда (ҳар чоракда) кўриб чиқиш учун Транспорт вазирлигига, Транспорт вазирлигининг Коррупцияга қарши курашиш бўйича кенгаши ва Ҳайъатига тақдим этиладиган коррупция масалаларида келиб тушган хабарлар ҳақидаги ҳисоботларни, шу жумладан, ахборот бериш каналлари, хабарлар тури, тасдиқланган фактлар сони, кўрилган чоралар ва ҳ.к.ни шакллантиради.

#### **13-боб. Якуний қоидалар**

48. Мурожаатчилар ва ходимлардан хабарларни мазкур Регламентга мувофиқ қабул қиладиган Транспорт вазирлиги тизими ташкилот ва корхоналарининг ходимлари мазкур Регламент талабларига риоя этилиши учун шахсан жавобгар бўладилар.

49. Мазкур Регламентни бузганлик учун жавобгарлик чоралари Ўзбекистон Республикаси қонунчилиги ва Транспорт вазирлиги тизими ташкилот ва корхоналарининг ички ҳужжатларида белгиланган асослар ва тартибда қўлланилади.



**Ўзбекистон Республикаси Транспорт вазирлигининг  
коррупцияга оид ҳаракатлар тўғрисида ахборот бериш  
учун алоқа каналлари орқали келиб тушган хабарларни  
қабул қилиш ва қайта ишлаш регламентига  
ИЛОВА**

**Коррупцияга қарши ҳаракатлар ҳақидаги хабарларни қабул қилиш реестрининг  
НАМУНАВИЙ ШАКЛИ**

№	Хабар келиб тушган сана	Хабар келиб тушган канал	Мурожаатчининг Ф.И.О.	Богланиш учун маълумотлар	Хабар тегишли бўлган Транспорт вазирлиги тизими ташкилот ва корхоналари	Транспорт вазирлиги тизими ташкилот ва корхоналари таркибий бўлинмаси	Тонфа*	Хабар мазмуни	Кўриб чиқиш натижаси**	Мурожаатчи билан қайта алоқага чиқиш (санаси а формати)	Изоҳ

\* 1 - коррупцияга оид ҳуқуқбузарлик, 2 - манфаатлар тўқнашуви, 3 - релевант эмас.

\*\* Агар кўрмасдан колдирилган бўлса, «кўрмасдан колдирилган» деб ёзиб қўйиш. Агар хизмат текшируви тайинланган бўлса, буйруқ раками ва санасини кўрсатиш керак. Агар тегишли бўлинмага юборилган бўлса, бўлинмани кўрсатиш керак.